

Huis- en Tuinboulede kuier gesellig saam

Die Heilbron Huis- en Tuinbouklub het hul maandelikse vergadering in die pragtige tuin van Marisa van Rooyen op Woensdag, 18 Maart 2020, gehad. Om die oggend mee af te skop het die talentvolle Me. Ansie Greeff, van Edenville, die dames vermaak met die speel van haar Kanadese autoharp. Die musiekinstrument tesame dromme, tamboryn en 'n mondfluitjie word gelyk deur haar alleen beman en gespeel. Mari Myburgh en Carol Snyman het die dames geïnspireer om blomme, loof en/of takke uit jou tuin tot die vaas, op jou tafel te bring. Hulle het ook die praatjie gelei en gedien as gassprekers vir die vergadering. Soos Mari verduidelik met blommerangskikking is smaak die belangrikste en jy kan nooit verkeerd gaan nie. Elke persoon se smaak is eie aan hom/haarself – niemand se huis is tog dieselfde nie. Met enige rangskikking moet blomme in water wees. Vir voorbereiding moet oase, 'n rukkies voor dit gaan gebruik word, in genoeg koue water geplaas word sodat die oase die water kan opsuig. Die geheim is om nie die oase af te druk in die water nie, omrede dit dan aan die kante seël en die binneste gedeelte nie genoegsame water insuig nie. Oase moet ook nie omgedraai word nie. Oase word gewoonlik binne-in 'n plastiese bakkie geplaas, wat met 'n rekkie aan weerskante vas gehou word. Oase moet nie gelyk met die bakkie se rand wees nie maar effe bo uitsteek om die rangskikking beter te laat vertoon. Indien jy 'n snoeiskêr het en jou "mechanics", soos genoem, reg is van die begin af, kan jy met gemak jou rangskikking begin. Om jou rangskikking nog beter te vertoon, lig jou rangskikking in 'n houder of staander, dit gee meer beweging deur. Werk altyd van die middelpunt af. Die middelste blom/loof se lengte moet twee en halwe keer jou bakkie se breedte wees – dit verseker 'n goeie balans. Werk altyd agtertoe ook met jou rangskikking. Indien jy met groot blare rangskik gee dit 'n rustige gevoel, waar baie fyn blomme 'n besige gevoel weergee. 'n Kombinasie van albei is dus 'n goeie rangskikking. Vlasblare is aan die dames uitgedeel en Carol het verduidelik hoe maklik 'n "blom" gevleg kan word, wat ook in 'n rangskikking gebruik kan word. Die vlasblaar is in die helfte gedeel en elke stuk is weer verdeel. Die eerste gedeelte van die

blaar word omgevou en die res van die oorblywende blare word deur gevleg. Die proses word herhaal totdat al die blare gevleg is, wat 'n pragtige intressante "blom" vorm. Nog 'n goeie wenk vir jou huis is om potjies vol kruie te pluk, die mooi rangskikking in jou huis te plaas, en gebruik soos nodig tydens die kosmaak proses. Die nuutste tendens is om vrugte

saam met blomme te rangskik. Die oopgesnyde Dragon Fruit is 'n pragtige vrug om saam met vetplante te rangskik. Gebruik vrugte veeldoelig in 'n rangskikking en die volgende dag in jou slaai. Carol wys aan die dames 'n pragtige voorbeeld waar in sy growwe sout saam met die rangskikking gebruik. Klippe, wat opgetel word by die see, kan produktief aangewend word deur

hul met enige reukolie (bv. roosolie) te smeer. Druk 'n enkele Aspidistra blaar en Anthurium tussen die klippe in en sodoende het jy kleur en 'n heerlike aroma in die vertrek. Dames is aangespoor om kreatief en uit die boks te dink. Alles wat oortuigend gedoen word is reg. Me. Ansie sluit dan ook 'n baie inspirerende oggend af met twee pragtige musiekstukke.



Dames besig om die "blom" te vleg met die vlasblaar.



Die gevlegde "blom" in 'n rangskikking gebruik.



Me. Ansie Freeff met die Kanadese autoharp en ander instrumente.



Ansie Greeff (Musikant), Gerda Pieters (Bestuurslid), Carol Snyman (Gassprekster) en Mari Myburgh (Gassprekster).

Plant 'n Spekkie

Op 19 Februarie is die eerste post opgelaa op Die Voortrekkers se Facebookblad vir die "n Plekkie vir 'n Spekkie" kompetisie.

Die Heilbron Voortrekker komando ondersteun ook hierdie spekkieboom inisiatief en verskeie foto's is al deur die gemeenskap en Voortrekkers ingestuur. Die Voortrekkers het hierdie kompetisie geloods waar mens nie net die omgewing kan help nie maar boonop is daar groot pryse ook te wen.

In slegs 4 stappe kan enige iemand deel neem aan die kompetisie.

1. Bekom 'n spekkieboom/steggie en plant op 'n geskikte plek.

2. Neem 'n foto van die spekkie en tuinier/s.

3. Voltooi die aanlyninskrywingsvorm vir die Facebook kompetisie of kontak Lizane van Zyl (vir die Heilbron gebied) by 072 523 8581 met jou foto en besonderhede.

4. Help bewaar die aarde en staan 'n kans om te wen. Die foto met die meeste likes op facebook kry eerste prys - R2000 kontant en R1000 Voriemôl geskenkbewys. Die mees kreatiewe foto kry tweede prys - R700 kontant en R500 voriemôl geskenkbewys.

Daar is ook 'n spesiale prys wat slegs vir voortrekkers is en die kommando met die hoogste persentasie inskrywings kry R1 000 kontant en 'n R1000 voriemôl geskenkbewys.

Statistiek deurgegee op 20 Maart op Die Voortrekkers se Facebookblad staan Port Elizabeth in eerste plek met 32%. Tweede

plek is gesamentlik aan Pretoria en Upinton met 15% en derder plek aan Bethlehem met 4%.

Die kompetisie sluit die 18de Mei 2020 en die bekendmaking van die wenners sal na 22 Mei 2020 plaasvind.

Hoekom 'n Spekkieboom?

'n Spekkieboom, ook bekend as olifantskos bevorder die gehalte van die lug wat ons inasem en kan help met die klimaatsverandering wat ons deurgaen. Met sy groen, sirkelvormige blare het die boom die vermoë om tussen vier en tien ton koolstof per hektaar in te neem en in die grond te berg. Die oortollige koolstof in die atmosfeer is eger verantwoordelik vir aardverwarming.

Hierdie eg Suid-Afrikaanse plant is geskik vir alle seisoene en is aanpasbaar vir enige tuin. Met vetplant karakter eienskappe, blaartjies wat van die spekkieboom afval sal ook in die regte omstadighede worteltjies begin maak en groei. Die plant kan oorleef met slegs 250-350 mm water per jaar en word as waterwys geklassifiseer.

Die spekkieboom het nie net 'n positiewe invloed in die natuur nie, maar kan ook deur die mens geëet word. Dit word in tye van nood as 'n voedselbron aangewend en is ook geskik om in slaai te gebruik. Dit word tradisioneel gebruik om uitputting en dehidrasie te behandel in die Karoo en los 'n suur sitrusagtige smaak agter.

